

太上三十六部尊經

日六

上清境經下

鍊生經

靈秘經

消魔經

無量經

按魔經

上通經

正上六
經局本

上清境鍊生經第七
 道明正統從古到今皆令上士中士下士一切見聞無有限量偏虛空曠蕩無涯漠然開通皆令諸餘一切咸得受用凡人將興者多因好善凡人將衰者多因好惡將吉者易開導將凶者難辯明天道常祐善人大道立法恩歸有得天道每遠惡人大道示威不肯扶護若復有人能修持上道教奉師尊傳受經法還復精氣灌注身田以丹砂書秘篆靈符吞服入其腹中當見腹中之文大吉百邪皆去五官為主為道之初為神之祖百節筋骨四肢八脉皆合真元門戶出入邪氣自散真道流行內外洞明守之積久天醫目下百病悉能消除因得老壽愚者不知自然捐去妙法難遇宿善亦變為凶賢者以為重寶尊

靈秘經此可謂存心之道也獨貴自然形神俱妙體相常樂守此神氣性命自得逍遙道果真入金門若不知其秘要抱其有奇思反為咎則失自然不可得長生之道也汝今若欲依前修持不若先養其母後受嬰兒五精皆朝泥丸還元復命自得保守無復虧損乃可精修行業出入華房森羅鬱茂履蓋羣生是真寂真定大圓滿大智慧大無邊無盡莊嚴法相普救一切徧周法界四方四境萬萬餘里遠近多諸冤結善惡相半未能解悟惟憑一心歸奉真宗求師慕道自到帝前積習已久亦能超凡入聖遠離惡趣當令清靜汝等未來皆未門法若復將來皆是因此福田能種百穀歲歲豐熟無有旱傷普集諸天無量無邊盡虛空界難可思議福德廣大圓滿萬聖千真同神讚嘆是斯良因利益一切諸天仙聖俱會一時常生歡喜作如是言若復至人用心堅固永不退轉無有障礙即於世世生生永劫流轉得遇明師親授與旨如斯法教難可盡述而說偈曰

感化之德難可稱揚汝等善智各奉教言悟彼真元輪轉善道無有休息清靜解脫無為自在常行正念必自當得行此事時寬裕為心捨除四惡行大功德作無礙心鍊生經靈符



上清境鍊生經

上清境靈秘經第八

夫人居天地之間開闢以來自有名字為人人運中和之氣凡物之長也尊且貴與天地相似而不能與天地長久是招攝之道不能修習所以致其淪喪至人能明是理會合形神修真鍊氣造於俱妙之地自可逍遙正性直入金門永斷輪迴超身成道拯度眾生作諸善緣當知人身難得真道多迷若失人身萬劫難復今或一死乃終古窮天畢地莫知其因既死之後莫知其往乃是攝魂集魄會

合其身頃刻之間復歸者實故大可悲哀大
可痛傷我今語子當明正見了悟生死不為
悲嘆一切冤尤俱得解脫永不為累故天地
格法天地萬物父母恐於其中復有自冤自
哭致諸苦惱妄生惡業實非天地患難所鍾

苦毒難忍仰呼於天俯叩於地而自悲傷禱
其冤苦故天地為生真道一切奇方轉轉教
人鍊魂陶魄而能生化然後可以自防而得
小壽初無正道大智慧法通解要法與天地
齊其長久與日月齊其明照與星辰隨其周
運與劫數隨其輪轉雖得小壽亦無利益凡
有形賦受於天地之間皆有磨滅況於人居
天地之間七情六慾有以牽纏富貴得以驕
忽自謂充足不知思慕真道貪親自生怨恨
反道輕身不生慚愧惟生惡業學道之人初
乘智慧未達世機尚縈煩惱而有所求亦不
肯力學真道善方自生輕忽而共生悔恨笑
賤真道反以為邪偽但求小利以亂天道欺
罔正真自致死地一切愚人皆知有死修治
墳塚皆欲堅固不壞預修作死約製造凶服

以遺子孫用多置財寶以為威儀具備世俗
可觀種種如法實無利益不思此身既死若
復更生作何報對汝等若非聽受吾言亦應
如是我於一切法中皆明正道示諸衆生隨
緣應感不復貪著快樂自在而說偈曰

發一切心皆當盡意 若男若女 須明妙本
即於此時念念不迷 是我弟子 有道之人
常行上行 不處四惡 不行邪慾 不行一切
種種諸業 不見所有 不見所無 念道求法

靈秘經靈符

焚 邪 用 變 風
變 惡 唐 內 魂
崩 也 唐 崩 魂

上清境靈秘經 終

上清境消魔經 第九

人之生世常知有歸生死周迴會不休息譬
如日出於東亦自西沉古今

帝王聖賢亦皆如是但於時時每思自重愛
生畏死旦夕思念皆求異聞每假殊方異術

以為延生反害其性敬事鬼神詭求餘福將
以求福反以招禍應有道德之士託為祥瑞
自謂感動天地得延老壽可以度世萌此念
願即生妄相信邪欺正自沉惡趣永不解悟
不修正道不明正因不遇善知識不斷惡根

本不能深計遠慮自致憂惱昏亂不明如此
之事皆為反道害教造無邊罪不復懺悔是
其邪說已回正道難入故能如是古者聖人
聰明大達以為天下萬世規模亦欲後世皆
知邪道而能魔障善道故明智慧亦令一切
魔鬼皆悉消除俱闢正道而於利益不可思
議當時亦出衆賢人俱會感時講明法要實
為輔相洞明天地始終深窮往復輪迴不言
人死復生之理不言生死異途亦不明言生
死去來不實言無生滅法要使得道者自達